

ՄԱՀՈՒԱՆ ՊԱՏԺԻ ԴԵՄ

Ամենասարսափելի, ամենազգուելի ոճրագործութիւնն է մարդասպանութիւնը։ Մեզ վրայ ամենամեծ սոսկում է ազդում մարդկային արիւնը և չկայ մի կրօն, որի հիմնական օրէնքների մէջ առաջնակարգ տեղ չունենայ չնայանելու պատգամը։ Մի երկրի, մի ազգի բարոյական մակերեսը կարելի է չափել կատարուած ոճրագործութիւնների թուով, վրէժխնդրութեան ձևով և պատիժների տեսակով։ Երբ սովածի մէկը այս կամ այն անձնական միտումներով, անձնական հաշիւներով և շատ անգամ նոյն իսկ սպանուողի ձեռքով վարժուած և նրա իսկ զէնքով սպանութիւն է գործում, ինքն ըստ ինքեան սարսափելի է։ Բայց երբ մի հասարակութիւն, մի պետութիւն, ոչ մի հաշիւ չունենալով, իրեն յայտարարում է այնքան ուժաւոր, այնքան թոյլ և այնքան զուրկ յանցաւորներին պատուհասելու և ուղղելու միջոցներից, որ իւրաքանչիւր քայլափոխում մահուամբ է պատժում և կախում կամ գնդակահար անում, մարդկանց շատ աւելի զգուելի և ծանր տալաւորութիւն է թողնում, քան սովորական մարդասպանութիւնը։ Մահուան պատիժը ոչ մի ժամանակ գոհունակութեան զգացմունք չի առաջ բերել հանգիստ տեսների մէջ, նրանք այդ րոպէներին երբէք չեն գոհացել այդպիսի արդարադատութիւնից և զգուանքով հեռացել են այդպիսի պատժից ցաւակցութեան արցունք թափելով յանցաւոր պատժուածների համար։

Մեր երկրում ամենայն տեղ զինուորական դրութիւն և սաստկացրած պաշտպանութիւն մտցնելու շնորհիւ այնքան արիւն թափուեց, որքան սովորական դարձաւ անտեղի մահուան պատիժը, որ իւրաքանչիւր մարդու որդին ծանրացաւ, գիզուեց այդ մահուան կոշմարը և հարկադրեց հանդէս դալ որպէս քաղաքացի և գոչել, որ վերջ դրուի այդ անպատուարեր, պետական վրէժխնդրութեան։

Ամբողջ Ռուսաստանը բողոքում է այդ սոսկալի երևոյթի դէմ, բողոքում է մանաւանդ նրա համար, որ մահուան պատիժը գործ է դրւում նաև քաղաքական որոշ համոզումների, քաղաքական այն յանցաւորների դէմ, որոնք անհատաբար ձեռք են բարձրացնում հրապարակական ոճրագործների և բռնակալ վարիչների դէմ. որոնց ասպարեզից հեռացնելու ոչ մի միջոց չունին:

Մեզանում էլ խուսեց այդ տեսակ պատիժների դէմ բողոքելու կոչը. հայ մայրերին և ինտելիգէնտներին էլ առաջարկուեց հանդէս գալ իրենց ուժեղ բողոքով, բայց ցաւելով պէտք է ասել, որ չը գտնուեց ոչ մի խումբ, որ բողոքէր, ճշար և պահանջէր վերացնել այդ բարբարոսական սովորութիւնը, հնութեան այդ անպատուաբեր մնացորդը: Նրանք այս վերջին դառը տարուայ ընթացքում այնքան կոտորածներ էին տեսել, այնքան արիւն և արցունք էին տեսել թափած, որ մարդկանց արիւնը, դատաստանով մարդասպանութիւնը կարծես այլ և չէր ազդում նրա վրայ: Բայց դա ցաւալի, շատ խիւս երևոյթ է և բացասական նշան մեր բարոյական աստիճանացոյցին: Մարդուս արիւնը մի ուրիշ տեսակ հեղուկ է. նա ոչ մի տեղ զուր չի թափուել և չի էլ թափուիլ: Նրա թափողները երբէք ազատ չեն մնացել պատուհասից և պատժուել են շատ խիստ կերպով: Ամեն տեսակ բռնութեան և անարդարութեան դէմ պարտաւոր է բողոքել քրիստոնէական եկեղեցին, պարտաւոր է բողոքել հոգեւորականութիւնը, որ իւր վրայ է վերցրել աւետարանական սիրոյ և ներողամտութեան քարոզչի պարտաւորութիւնը, նա պարտաւոր է հանդէս գալ ուժեղ կոչով և պահանջով՝ վերացնել այդ սոսկալի երևոյթը, վերացնել մեր օրէնսդրութիւնից մահուան պատիժը, դադարել ձեռք բարձրացնելուց այն ամենամեծ գանձի՝ մարդուս կեանքի դէմ, որը Աստուծոյ ամենապքանչելի պարգև է և ոչ ոք այլ ևս վերադարձնել չի կարող: Արարատի խմբագրութիւնը կոչ է կարդում, բոլոր հայ հոգեւորականներին հանդէս գալ մահուան պատժի դէմ ուղղուած քարոզով, կազմել համախօսականներ և

դիմումներ և ուղղել իրեն, խոստանալով այդ ձայները՝ որպէս Հայաստանեայց եկեղեցու ձայն, միացնել ուռլուսամիտ դասակարգի ձայներին և այդպիսով հասցնել ուր հարկն է, որպէս զի ջնջուի անարգ մահուան պատիժը մեր օրէնսդրութիւնից և չ'արատաւորի քրիստոնէի խիղճը՝ արգարադատութեան մեծադղորդ անուան ներքոյ:

Կորչի մահուան պատիժը, կորչի կախաղանն ու գընհա կահահարութիւնը: Միացրէք ձեր և ձեր ժողովրդի ձայնը, արժանաւոր հովիւներ, մի մոռանաք, որ բազմութեան ձայնը Աստուծոյ ձայն է և կենսաբեր:

Յ. Յ. Վ. Մ.

ԱՅՂԸՐ ԳԵՅԼ

(Մարտիկանայ ինչ լէճ.)

Արագածից դէպ հարաւ
Բարձրաւանդակ մի տեղում
Շատ բարեհամ ջրոց հետ
Կայ մի ծովակ նահապետ.
Եւ ինչպէս որ ասում են
Մեր աշխարհի դարևոր
Վէպ ու զրոյցք բիւրաւոր,
Նա կոչւում է Այդըր գեօլ:

Աննման է Այդըր գեօլ,
Չունի մի բան իւր բոլոր՝
Որ չըլինի փառաւոր.
Աննման է Այդըր գեօլ,
Չունի մի բան հին ու նոր՝
Որ չըլինի ահաւոր: